



ISABEL GARCÍA-RODEJA GAYOSO, SECRETARIA XERAL DA UNIVERSIDADE DE SANTIAGO DE COMPOSTELA,

CERTIFICA, antes da aprobación da acta correspondente, que o Consello de Goberno da USC, na súa sesión do día catro de xullo de dous mil oito, acordou aprobar a modificación das condicións das bolsas propias a cargo de actividades de I+D da USC, nos termos do documento adxunto.

E para que así conste, asino a presente certificación, en Santiago de Compostela, a once de xullo de dous mil oito, co Visto e Prace do Sr. Reitor.

Vº e Pr.
O Reitor

Senén Barro Ameneiro

A handwritten signature in black ink, appearing to read "Senén Barro Ameneiro".



PROPOSTA PARA A MODIFICACIÓN DAS CONDICIÓNS DAS BOLSAS PROPIAS A CARGO DE ACTIVIDADES DE I+D DA USC

A NORMATIVA DE NOMEAMENTO DE BOLSEIROS PROPIOS A CARGO DE PROXECTOS CONVENIOS E CONTRATOS DE INVESTIGACIÓN ASINADOS POLA UNVIERSIDADE DE SANTIAGO DE COMPOSTELA, aprobada pola Xunta de Goberno (hoxe Consello de Goberno) da USC na súa sesión do 15 de marzo de 1999, establece a posibilidade de nomear catro tipos (posteriormente reducidos a tres) de bolsas financiadas con cargo a actividades de investigación. Os tipos actualmente en vigor na USC son:

- **BOLSAS DE COOPERACIÓN (BC).** Dirixidas a posgraduados que teñan cumplidas as condicións para obter a súa titulación nos **5 anos anteriores** á data da solicitude de nomeamento, nas actividades de investigación, servizos e asistencia técnica que contribúan a súa cualificación e especialización profesional. **Duración mínima 1 mes.**
- **BOLSAS DE INICIACIÓN Á INVESTIGACIÓN (BII).** Dirixidas a titulados superiores que estean adquirindo a súa formación investigadora en calidade de estudantes de terceiro ciclo, para participar nun proxecto de investigación que se desenvolve no marco dun contrato ou convenio asinado ao abeiro do artigo 11 da LRU (hoxe artigo 83 da LOU) ou dun proxecto de investigación financiado por unha convocatoria pública que así o permita, realizado por un departamento, instituto ou servizo de investigación universitario. **Duración mínima 12 meses.**
- **BOLSAS DE APOIO Á INVESTIGACIÓN (BAI).** Dirixidas a titulados en formación profesional (categoría segundo as necesidades do proxecto) que teñan cumplido as condicións para obter a súa titulación nos **5 anos anteriores** á data da solicitude de nomeamento, co obxecto de favorecer a incorporación de técnicos na actividade investigadora universitaria. **Duración mínima 1 mes.**

Ao longo dos últimos anos se teñen detectado disfuncións na utilización destas figuras de bolsas para a contratación de persoal a cargo de actividades de I+D que fan aconsellable que se modifiquen as condicións e os requerimentos para a asignación e o disfrute destas bolsas.

Por este motivo se somete ao Consello de Goberno da USC a aprobación das seguintes modificacións:

- 1. BOLSAS DE COOPERACIÓN (BC).** Dirixidas a posgraduados que teñan cumplidas as condicións para obter a súa titulación nos **2 anos anteriores** á data da solicitude de nomeamento. **Duración mínima 6 meses.**
- 2. BOLSAS DE INICIACIÓN Á INVESTIGACIÓN (BII).** Se propón o seu mantemento na situación actual.
- 3. BOLSAS DE APOIO Á INVESTIGACIÓN (BAI).** Dirixidas a titulados en formación profesional que teñan cumplidas as condicións para obter a súa titulación nos **2 anos anteriores** á data da solicitude de nomeamento. **Duración mínima 6 meses.**